

Tahniah Menteri Agama Indonesia kepada Mahathir

JAKARTA, Ahad — Menteri Agama Indonesia, Haji Alamsyah Ratu Perwiranegara menyampaikan ucapan tahniah dan selamat kepada Perdana Menteri, Datuk Seri Dr. Mahathir Mohamad, atas kemenangan cemerlang Barisan Nasional dalam pilihanraya umum di Malaysia baru-baru ini.

Menteri itu menyam-

paikan ucapan itu melalui Duta Besar Malaysia ke Indonesia, Tan Sri Mahmood Yunus ketika beliau mengunjungi Haji Alamsyah di kementerianannya semalam.

Tan Sri Mahmood juga memberitahu tentang susunan kabinet baru pimpinan Datuk Seri Dr. Mahathir dan keputusan pilihanraya umum di Malaysia.

Menteri Agama juga telah menjelaskan

kepada Tan Sri Mahmood tentang perjalanan pilihanraya umum yang ketiga di Indonesia di bawah "Order Baru."

Haji Alamsyah memberitahu, 82.3 juta rakyat Indonesia termasuk kira-kira 20 juta pengundi baru akan membuang undi Selasa ini untuk memilih seramai 350 orang wakil bagi Dewan Perwakilan Rakyat (DPR).

Bellau berkata pilihanraya umum itu akan menentukan mandat baru kepada kerajaan yang ada sekarang di bawah pimpinan Presiden Suharto untuk meneruskan pembangunan dan mewujudkan kesejahteraan rakyat.

Bellau yakin parti golongan karya (Golkar) akan sekali lagi mendapat kemenangan cemerlang dalam pilihanraya itu.

Tan Sri Mahmood berkata, hubungan baik dan kerjasama erat akan terus dijalankan antara kedua-dua negara.

Katanya, kerjasama antara Indonesia dengan Malaysia adalah amat baik sekali dan usaha terus diadakan bagi menguatkan hubungan baik kedua-dua buah negara selaras dengan semangat setiakawan Asean. — Bernama.

Bahan asal dari Arkib
Negara Malaysia

No. Siri 2712

No. Penerimaan 458/85